



## Møteprotokoll

**Utval:** Jostedalsbreen nasjonalparkstyre

**Møtestad:** Norsk Bremuseum, Fjærland

**Dato:** 10.05.2023

**Tidspunkt:** 10:00 - 14:30

### Følgjande faste medlemmer møtte:

Namn	Funksjon	Representerer
Vibeke Johnsen	Medlem	Sogndal kommune
Mariel Eikeset Koren	Medlem	Gloppen kommune
Oddmund Klakegg	Medlem	Sunnfjord kommune
Helge Stormoen	Medlem	Vestland fylkeskommune
Ivar Kvalen	Leiar	Luster kommune

### Følgjande medlemmer hadde meldt forfall:

Namn	Funksjon	Representerer
Kari Synnøve Muri	Nestleiar	Stryn kommune

### Følgjande varamedlemmer møtte:

Namn	Møtte for	Representerer
Sven Flo	Kari Synnøve Muri	Stryn kommune

### Merknader:

Eline Orheim, Statsforvaltaren i Vestland, orienterte om mogleg utviding av Jostedalsbreen nasjonalpark.

Synfaring til Bøyabreen og Supphellebreen.

Styremedlem Helge Stormoen deltok i møtet digitalt via teams.

Anne Rudsengen, SNO Jostedalsbreen, deltok på møtet.

### Andre frammøtte:

Namn

Tor Arne Hauge

Trygve Snøtun

### Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Ivar Kvalen

Vibeke Johnsen

## Saksliste

Utvalgs-saksnr	Innhold	Lukket	Arkiv-saksnr
ST 7/23	Godkjenning av innkalling og dagsorden		
ST 8/23	Val av styremedlem til å skrive under protokoll i lag med styreleiar		
ST 9/23	Jostedalsbreen nasjonalpark - Søknad om fasadeendring - Bødalssetra - Bødal sameige		2023/4414
ST 10/23	Jostedalsbreen nasjonalpark - Sunndalssætra - Fasadeendring Haraldeselet - Sverre Guddal		2023/3526
ST 11/23	Jostedalsbreen nasjonalpark - retting av tiltak - verandadør på Haraldeselet Sunndalen		2023/3526
ST 12/23	Jostedalsbreen nasjonalpark - Dispensasjon - 2023 - Merking av analyseruter og uttak av små mengder plantemateriale - Arealrepresentativ naturovervåking ANO - Norsk institutt for naturforskning		2023/6078
ST 13/23	Orienterings- drøftings- og referatsaker		
ST 14/23	Delegerte saker		
DS 1/23	Delegert vedtak - Dispensasjon - Jostedalsbreen nasjonalpark - Motorferdsel - Løyve til bruk av snøskuter og helikopter i samband med radarmåling av istjukkleik - 2023 - JOSTICE - Høgskulen på Vestlandet		2019/8670

### ST 7/23 Godkjenning av innkalling og dagsorden

#### Saksprotokoll i Jostedalsbreen nasjonalparkstyre - 10.05.2023

##### Handsaming i møte

Ingen merknader til innkalling og sakliste.

##### Vedtak

Ingen merknader til innkalling og sakliste.  
Samrøystes vedteke.

### ST 8/23 Val av styremedlem til å skrive under protokoll i lag med styreleiar

## **Saksprotokoll i Jostedalsbreen nasjonalparkstyre - 10.05.2023**

### **Handsaming i møte**

Ivar Kvalen føreslo Vibeke Johnsen til å signere møteprotokollen i lag med styreleiar.

### **Vedtak**

Vibeke Johnsen vart vald til å signere møteprotokoll i lag med styreleiar.

## **ST 9/23 Jostedalsbreen nasjonalpark - Søknad om fasadeendring - Bødalssetra - Bødal sameige**

## **Saksprotokoll i Jostedalsbreen nasjonalparkstyre - 10.05.2023**

### **Handsaming i møte**

Vedtak i samsvar med innstilling frå forvaltar.

### **Vedtak**

Med heimel i verneforskrift for Jostedalsbreen nasjonalpark kapittel IV pkt. 1.3 vedtek Jostedalsbreen nasjonalparkstyre å gje Bødal sameige løyve til:

- oppføring av tak over utekjøken på søraustre side av fellesbygget på brecampen ved Bødalssetra. Taket kan vere inntil 140 cm i breidde langs veggen, og ei lengde på 160 cm ut frå veggen.
- Sette inn nytt vindaug på gavlveggen på nordvestre side av fellesbygget. Vindauga kan vere inntil 75 cm i breidde og 100 cm høgt.
- Montere takrenne i tre over dei to inngangsdørene på fellesbygget.

Løyvet har følgjande vilkår:

- Tak over utekjøken demonterast før vinteren slik at det ligg langs veggen.
- Takrenne demonterast før vinteren.
- Takrenne og tak over utekjøken skal ha same farge som resten av fellesbygget.
- Nytt vindaug skal ha sprosser tilsvarande eksisterande vindaug.
- Sjøppel frå arbeidet med tak, vindaug og takrenne skal takast med ut av området, og ikkje gravast ned eller deponerast innanfor nasjonalparken.
- SNO skal kontrollere at tilbygget er gjennomført i tråd med vedtaket

Vi gjer merksam på at Jostedalsbreen nasjonalparkstyre berre gjer løyve etter verneforskrift for Jostedalsbreen nasjonalpark og naturmangfaldlova.

Samrøystes vedteke.

# **ST 10/23 Jostedalsbreen nasjonalpark - Sunndalssætra - Fasadeendring Haraldeselet - Sverre Guddal**

## **Saksprotokoll i Jostedalsbreen nasjonalparkstyre - 10.05.2023**

### **Handsaming i møte**

Sven Flo meldte seg som ugild i saka. Nasjonalparkstyret var samd. Vedtak i samsvar med innstilling frå forvaltar.

### **Vedtak**

Jostedalsbreen nasjonalparkstyre gjev avslag på søknaden om fasadeendring på Haraldeselet på Sunndalssætra. Vedtaket om avslag er gjort med heimel i verneforskrifta for Jostedalsbreen nasjonalpark kapittel IV, punkt 1.1. og punkt 1.3.

Samrøystes vedteke.

# **ST 11/23 Jostedalsbreen nasjonalpark - retting av tiltak - verandadør på Haraldeselet Sunndalen**

## **Saksprotokoll i Jostedalsbreen nasjonalparkstyre - 10.05.2023**

### **Handsaming i møte**

Sven Flo meldte seg som ugild i saka. Nasjonalparkstyret var samd. Vedtak i samsvar med innstilling frå forvaltar.

### **Vedtak**

Det er sett inn ei verandadør i vestveggen på Haraldeselet på Sunndalssætra, dette er i strid med løyve gitt etter verneforskrifta. Vi viser til følgjande utvalssaker handsama av Jostedalsbreen nasjonalparkstyre 04/2017 *Løyve til restaurering av Haraldeselet på Sunndalssætra*, 04/2023 *Krav om retting – Verandadør på Haraldeselet* og 10/2023 *Sunndalssætra – Fasadeendring Haraldeselet*.

Jostedalsbreen nasjonalparkstyre pålegg tiltakshavar Sverre Guddal å fjerne døra som er sett inn i vestveggen på Haraldeselet på Sunndalssætra gnr 18/7, og erstatte den med eit vindauge, jf vedtak i styresak 4/17 av 27.02.2017. Endringa skal vere gjort innan 15.september 2023.

Vedtaket er gjort med heimel i naturmangfaldslova § 69, fyrste ledd.

Retting av tiltaket inneber følgjande:

- Verandadøra som i dag står i vestveggen på Haraldeselet skal fjernast og erstattast med eit vindauge. Storleiken på vindauget skal ikkje vere større enn det som var der før restaureringa av selet, men kan vere mindre. Det er ynskjeleg med småruta glas, meir i tråd med tradisjonell byggjeskikk.
- Alt avfall skal fraktast ut av nasjonalparken. Reint ubehandla (umåla) trevirke kan brennast i omnen, eller på nærare bestemt plass, i samråd med forvaltar. Material som

trengs til tiltaket skal lagrast forsvarleg, og det som ikkje vert brukt skal fraktast ut att av nasjonalparken.

- Det skal sendast rapport til nasjonalparkstyret straks rettinga er gjennomført, og innan 30.09.2023. I rapporten skal det leggjast ved bilde som dokumenterer at arbeidet er utført. Det kan verte aktuelt med etterkontroll.
- Dersom fristen ikkje vert overhalden, vil nasjonalparkstyret vurdere tvangsmulkt jf. naturmangfaldslova § 73 fyrste ledd.

Søkjjar har tre veker klagefrist og kan be om oppsetjande verknad til ein eventuell klage er ferdig handsama.

Nasjonalparkstyret nasjonalparkforvaltar får fullmakt til å innvilge utsett iverksetjing av vedtak dersom saka vert klaga på.

Vi gjer merksam på at søknad om løyve til frakt av material som krev motorisert ferdsel må sendast nasjonalparkstyret i god tid før planlagt flyging.

Samrøystes vedteke.

## **ST 12/23 Jostedalsbreen nasjonalpark - Dispensasjon - 2023 - Merking av analyseruter og uttak av små mengder plantemateriale - Arealrepresentativ naturovervåking ANO - Norsk institutt for naturforskning**

### **Saksprotokoll i Jostedalsbreen nasjonalparkstyre - 10.05.2023**

#### **Handsaming i møte**

Vedtak i samsvar med innstilling frå forvaltar.

#### **Vedtak**

Jostedalsbreen nasjonalparkstyre vedtek å gje Norsk institutt for naturforskning (NINA) løyve til å gjennomføre datainnsamling som omsøkt for følgjande prøveflate i Jostedalsbreen nasjonalpark, i Sunnfjord kommune:

- ANO-flate 1111. X:54250, Y:6853750

Løyvet er fatta med heimel i § 48 i naturmangfaldlova.

Følgjande vilkår gjeld:

- Løyvet gjeld for følgjande tiltak:
  - setje ned to små metallrøyr i samanheng med merking av ruter for analyse (til saman 18 ruter pr. ANO-flate/område). Røyra skal brukast til å finne att posisjonen på ruta frå år til år når ruta skal analyserast på nytt.
  - uttak av små mengder plantemateriale i forbindelse med registrering av artar.
- Aluminiumsrøyra som blir nytta som fastmerker skal vere 1 cm i diameter og lengde 5-10 cm. Merkene skal settast heilt ned i jorda slik at dei er lite synlege.

- Merkene skal ikkje borast fast i fjell/stein. Ueigna stadar for fastmerking skal kun merkast på GPS.
- Alle metallrøyr og anna materiale nytta i prosjektet skal takast ut av verneområdet når prosjektet er ferdig.
- Det må etablerast gode rutinar for registrering av kvar det blir sett ut metallrøyr i bakken slik at ein sikrar at alle røyra blir henta inn når prosjektet er ferdig.
- Løyvet gjeld fram til prosjektet er avslutta. Metallrøyra skal fjernast så snart prosjektet er avslutta.
- All ferdsel i samband med registreringane skal skje varsamt og ta omsyn til vegetasjon, dyreliv og kulturminne.

Vi gjer oppmerksom på at dette løyvet berre gjeld i forhold til naturmangfaldlova og verneforskrifta for Jostedalsbreen nasjonalpark. Søkjar er sjølv ansvarleg for å innhente eventuelle løyver etter anna lovverk frå Sunnfjord kommune og grunneigar.

Vedtaket kan klagast inn for Miljødirektoratet av ein part eller andre med rettsleg klageinteresse, jf. forvaltningslova § 28. Frist for klage er tre veker frå vedtaket er motteke. Ei eventuell klage stilast til Miljødirektoratet, men sendast til Jostedalsbreen nasjonalparkstyre.

Samrøystes vedteke.

## **ST 13/23 Orienterings- drøftings- og referatsaker**

### **Saksprotokoll i Jostedalsbreen nasjonalparkstyre - 10.05.2023**

#### **Handsaming i møte**

Sekretariatet orienterte om følgjande saker i møtet:

1. Supplerande vern ved Jostedalsbreen - orientering ved Eline Orheim, Statsforvaltaren i Vestland.
2. Status tiltak.
3. Dialog med Indre Nordfjord Turlag.
4. Naturoppdrag - status.
5. Skjøtselsplan Tungestølen.
6. Mediasaker sidan sist.
7. Møteplan.

#### **Vedtak**

Styret handsama sakene og tok dei til vitande.

## **ST 14/23 Delegerte saker**

### **Saksprotokoll i Jostedalsbreen nasjonalparkstyre - 10.05.2023**

## **Handsaming i møte**

### **Vedtak**

Nasjonalparkstyret tok delegert sak til vitande.